



# basic education

Department:  
Basic Education  
**REPUBLIC OF SOUTH AFRICA**

## **NATIONAL SENIOR CERTIFICATE**

**IGREYIDI 12**

**ISINDEBELE ILIMI LEKHAYA (HL)**

**IPHEPHA LESITHATHU (P3)**

**SINYIKHABA 2025**

**IMITLOMELO: 100**

**ISIKHATHI: Ama-iri ama-3**

**Iphepha lemibuzweli linamakhasi asi-5.**

**YELELA**

1. Iphepheli LINEENGABA EZIMBILI, u-A no-B.

ISIGABA A: Amatheksthi wokuzitlamela (Ama-eseyi) (50)

ISIGABA B: Amatheksthi wokuthintana (2 x 25) (50)

**YELELA:** Abafundi bakatelelekile bona baphendule EMIBILI imibuzo ESIGABENI B.

2. Phendula umbuzo OWODWA ESIGABENI A nemibuzo EMIBILI ESIGABENI B.
3. Tlola ngelimi ohlolwa ngalo.
4. Thoma ISIGABA ESINYE NESINYE nombuzo OMUNYE NOMUNYE ekhasini ELITJHA.
5. ESIGABENI A kufuze uhlele (usebenzise umebhengqondo, idayagramu/ Iflowutjhadi/amagama amumongo, njll.), uqinisekise bona umsebenzakho awunazo iimphoso. Ukuhlela kwakho akuvele nofana kubonakale NGAPHAMBI kwe-eseyakho.
6. Ukuhlela kwakho ukutlole kuhle kubonakale ekhasini lokuthoma. Uyabawiwa bonyana ngemva kokusebenzisa ukuhlela kwakho, thala umuda ovundlileko ukutjengisa bona ukuhlelokhu akusasebenzi.
7. Isikhathi esiphakanyisweko sokutlola ISIGABA NGASINYE:
- ISIGABA A: Pheze imizuzu ema-100
- ISIGABA B: Pheze imizuzu ema-80 (2 x 40)
8. Tlola iinomboro zeempendulo zakho zifane patsi nangendlela ezinonjorwe ngayo ephepheni lemibuzo.
9. Isihloko asingabalwa nakubalwa inani lamagama.
10. Tlola ngesandla esihle nesibonakalako.

**ISIGABA A: AMATHEKSTHI WOKUZITLAMELA (AMA-ESEYI)****UMBUZO 1**

Khetha isihloko ESISODWA utlole ngaso i-eseyi engaba magama ama-340-390.

Kufanele utjengise ukuhlela kwakho (kungaba ngokukodwa kilokhu: umebhengqondo/ idayagramu/iflowutjhadi/amagama amumongo, njll.).

- |     |  |      |
|-----|--|------|
| 1.1 | Umngani wamambala  | [50] |
| 1.2 | Umnyanya owagcina sele uyibangamatlhuwo  | [50] |
| 1.3 | Ubudlelwano babo bebukhanukwa mumuntu woke   | [50] |
| 1.4 | Umnyaka owangenza ngazibuka/ngazikwakwazelela  | [50] |
| 1.5 | Ikhaya kuyindawo ephephileko neletha ithabo kodwana kabanye kuba yindawo eletha ubuhlungu. | [50] |
| 1.6 | Kuthatha isitjhaba ukukhulisa umntwana. Vumelana nofana uphikisane nesitatimendesi.        | [50] |

Qalisisa iinthombe ezingenzasi ukhethe ESISODWA (1.7 NOFANA 1.8) bese uzitlamela i-eseyi uyinikele isihloko esiyifaneleko.

**TJHEJA:** Isithombe ne-eseyakho azikhambelane kuhle.

1.7




[Sithethwe ku-[www.images.com](http://www.images.com)]

[50]



1.8



[Sithethwe ku-[www.images.com](http://www.images.com)]

[50]

**IMITLOMELO YESIGABA A:**

**50**

**ISIGABA B: AMATHEKSTHI WOKUTHINTANA****UMBUZO 2**

Khetha iinhloko EZIMBILI bese utlola ngazo ngamagama ali-100 kufika kwali-120 isihloko NGASINYE.

**2.1 INCWADI YOBUNGANI**

Tlolela umnganakho ongasahlali endaweni yangekhenu incwadi umcocele ngamatjhuguluko amahle esele enzekile epilwenakho.

**[25]****2.2 IKHARIKHYULAMU VITHAYE NENCWADI EMKHAMBISANI**

Ihlangano ehlose ukuthuthukisa ukufundwa kweLimi lesiNdebele eenkolweni iFundawazi *Reading Project* ikhuphe isikhangiso esifuna abantu abangakghona ukusiza abafundi abasemabangeni aphasi ngeemfundo ezihlukahlukeneko zelimeli. Tlola **iKharikhyulamu Vithaye nencwadi emkhabisani** ufake isibawo sokuba ngomunye wabasizi.

**[25]****2.3 UMBIKO ONGAKAHLELEKI**

Umnganakho uthenge ukudla ebantwini abathengisa magega nedarada yesikolweni senu ngesikhathi sokudla. Uthe nakaqeda ukudla ukudlokhu wathoma wahlangahlangana. Njengomfundi obone isehlakalwesi senzeka, tlola **umbiko ongakahleleki** oyowethulela utitjherehloko ngalokhu okubonileko.

**[25]****2.4 I-INTHAVYU**

Ubizwe mrhatjhi we-Asikhulume *Podcast* okarwe msebenzakho awubone evidiyweni oyigadangisileko nesabalele iphasi mazombe lapha utjengisa khona ngezambatho ozithungako ezisefetjhenini esezingeni eliphezulu kokubabazekako. Njeke ufuna nizokucocisana ngekghono lakhweli elibatjazwa liphasi loke. Tlola **i-inthavyu** ebe phakathi kwakho naye.

**[25]****2.5 IKULUMO EHLELEKILEKO**

Umbelethakho obegade asebenza begodu odlale indima eqakathekileko ekuthuthukiseni ipilwakho bamenzele umnyanya wokumthokoza njengombana selathatha umhlalaphasi. Njengomunye wabentwana bakhe bakubawe bona uzokukhulumela umndeni. Tlola **ikulumo ehlelekileko** ozoyethula emnyanyeni lo.

**[25]****2.6 I-AJENDA NAMAMINITHI WOMHLANGANO**

Esikolweni senu kuzokuba nomnyanya wokulayelisa abafundi begreyidi le-12. Utitjherehloko ubize umhlangano ngomnqopho wokuzokukhalima abafundi ngezinto evane bazenze eminyanyeni enjengalo. Njengonobhala womKhandlu ojamele abaFundi esikolweni senu, tlola **i-ajenda namaminithi womhlangano** lo.

**[25]**

**IMITLOMELO YESIGABA B: 50**  
**INANI LOKE: 100**